

VI

(Obaveze dostavljanja podataka)

- (1) Ministarstvo će uputiti zahtjev Institucijama za dostavljanje podatke o objektima kolektivnog stanovanja čiji zajednički dijelovi su oštećeni usljed ratnih dejstava u Kantonu Sarajevo.
- (2) Ministarstvo će u saradnji sa Institucijama odrediti dinamiku dostavljanja podataka iz stava (1) ove tačke.

VII

(Tačnost dostavljenih podataka)

- (1) Za tačnost dostavljenih podataka odgovorne su Institucije.
- (2) Pogrešno ili netačno dostavljene podatke u Registar, Institucije dužne su ispraviti odmah, a najkasnije sedam dana po saznanju za netačnost podataka.

VIII

(Korištenje podataka)

Ministarstvo će vršiti objavljivanje Registra putem internet stranice Vlade Kantona Sarajevo.

IX

(Nadzor nad primjenom odluke)

Nadzor nad primjenom ove Odluke vrši Ministarstvo prostornog uređenja, građenja i zaštite okoliša.

X

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-8805-26/19

14. marta 2019. godine

Sarajevo

Premijer

Edin Forto, s. r.

Na osnovu člana 25. Zakona o mladima Federacije Bosne i Hercegovine ("Službene novine Federacije BiH", broj 36/10) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo, na 10. sjednici održanoj 14.03.2019. godine, donijela je

ODLUKU

**O SUBVENCIONIRANJU RJEŠAVANJA
STAMBENOG PITANJA MLADIH**

I

(Predmet Odluke)

Ovom Odlukom propisuju se sredstva, uslovi, kriteriji bodovanja, postupak podnošenja prijave i utvrđivanja rang liste za subvencioniranje rješavanja stambenog pitanja mladih i postupak dodjele sredstava.

II

(Sredstva za subvencioniranje rješavanja stambenog pitanja mladih)

- (1) Sredstva za subvencioniranje rješavanja stambenog pitanja mladih planiraju se u budžetu Kantona Sarajevo u okviru Ministarstva prostornog uređenja, građenja i zaštite okoliša Kantona Sarajevo (u daljem tekstu: Ministarstvo) za svaku budžetsku godinu.
- (2) Ministarstvo na ime subvencioniranja rješavanja stambenog pitanja mladih kandidatu po redoslijedu sa konačne rang liste isplaćuje iznos od 10.000,00 KM.

III

(Značenje pojedinih pojmova)

Pojmovi upotrijebljeni u ovoj Odluci imaju sljedeće značenje:

- a) "Subvencioniranje" je odobravanje nepovratnih novčanih sredstava na ime rješavanja stambenog pitanja mladih,
- b) "Rješavanje stambenog pitanja" - podrazumijeva kupovinu stana ili kuće u novogradnji ili korištenih,
- c) "Lice koje nema riješeno stambeno pitanje" je lice koje samo kao i članovi njegovog porodičnog domaćinstva, nisu vlasnici stana ili porodične kuće u mjestu rođenja na području Bosne i Hercegovine i teritoriji Kantona Sarajevo,
- d) "Invalidnost" - podrazumijeva procenat invalidnosti utvrđen u skladu sa odredbom člana 56. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09) i odredbama člana 39. Zakona o penzijskom i invalidskom osiguranju ("Službene novine Federacije BiH", broj 13/18),
- e) "Član porodičnog domaćinstva" je bračni ili vanbračni partner, dijete rođeno u braku ili van braka, usvojenik i drugo lice koje je podnositelj prijave dužan izdržavati, a živi sa imenovanim u zajedničkom domaćinstvu u zadnje tri godine,
- f) "Bračna zajednica" je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", br. 35/05 i 41/05),
- g) "Vanbračna zajednica" je zajednica života žene i muškarca koji nisu u braku ili vanbračnoj zajednici sa drugom osobom, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine ("Službene novine Federacije BiH", br. 35/05 i 41/05).

IV

(Uslovi za subvencioniranje rješavanja stambenog pitanja mladih)

Uslove koje kandidat za subvencioniranje rješavanja stambenog pitanja mladih mora ispuniti su:

- a) da je starosne dobi od navršanih 18 godina do navršanih 35 godina u momentu podnošenja prijave,
- b) da je državljanin Bosne i Hercegovine,
- c) da ima prebivalište na području Kantona Sarajevo u toku posljednje tri godine prije podnošenja prijave,
- d) da nema riješeno stambeno pitanje,
- e) da nije bio vlasnik stana ili kuće koju je otudio pravnim poslom,
- f) da prodavač stana ili kuće nije roditelj, brat ili sestra kandidata ili roditelj, brat ili sestra bračnog partnera kandidata,
- g) da je zaključio notarski obrađen ugovor o kupoprodaji stana ili kuće u periodu od 01.07.2018. godine do dana podnošenja prijave po javnom pozivu za subvencioniranje rješavanja stambenog pitanja mladih,
- h) da nije ostvario pravo po projektu Ministarstva za rješavanje stambenog pitanja putem kupovine stana pod povoljnijim uslovima, po projektu Ministarstva za rješavanje stambenog pitanja mladih putem zakupa uz obavezu kupoprodaje stana ili po projektu Ministarstva za subvencioniranje rješavanja stambenog pitanja mladih, što Ministarstvo utvrđuje na osnovu službene evidencije.

V
(Kriteriji za bodovanje)

Kriteriji za određivanje broja bodova i utvrđivanja reda prvenstva kandidata su:

- starosna dob,
- stepen stručne spreme,
- broj članova porodičnog domaćinstva,
- priznati naučni rad, kulturni nastup i izložba, sportski i profesionalni uspjeh, renomirano svjetsko, evropsko i drugo javno priznanje za rezultat u radu,
- boravak na području Kantona Sarajevo,
- član porodice šehida, poginulog ili nestalog borca,
- stepen invalidnosti,
- kupoprodajna cijena stana ili kuće iz ugovora,
- zajedničko apliciranje bračnih ili vanbračnih partnera.

VI
(Starosna dob kandidata)

Broj bodova koji se dodjeljuje po osnovu kriterija starosna dob kandidata je:

- do navršениh 30 godina starosti 15 bodova,
- od navršениh 30 do navršениh 35 godina starosti 10 bodova.

VII
(Stručna sprema kandidata)

Broj bodova koji se dodjeljuje po osnovu kriterija stepen stručne spreme je:

- doktor nauka. 30 bodova,
- magistar nauka ili završen drugi ciklus visokog obrazovanja sa ostvarenih ukupno 300 ECTS bodova 25 bodova,
- VSS ili završen prvi ciklus visokog obrazovanja u četvorogodišnjem trajanju sa ostvarenih 240 ECTS bodova, prvak opere, drame i baleta 20 bodova,
- VSS ili završen prvi ciklus visokog obrazovanja u trogodišnjem trajanju sa ostvarenih 180 ECTS bodova, 15 bodova,
- SSS 10 bodova,
- NS 5 bodova.

VIII
(Broj članova porodičnog domaćinstva)

Broj bodova koji se dodjeljuje po osnovu kriterija broj članova porodičnog domaćinstva, za svakog člana porodičnog domaćinstva računajući i podnosioca prijave 3 boda.

IX
(Priznati naučni rad, kulturni nastup i izložba, sportski i profesionalni uspjeh, renomirano svjetsko, evropsko i drugo javno priznanje za rezultat u radu)

- Broj bodova koji se dodjeljuje po osnovu kriterija priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu je:
 - osvajatelj medalje na svjetskom prvenstvu i olimpijadi u sportu ili osvajač svjetskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanja umjetničke kritike 5 bodova,

- osvajatelj zlatne medalje (max. tri medalje). 1 bod,
 - na broj bodova iz tačke a) dodaje se broj bodova iz podtačke 1),
 - doprinos kroz patent dokazan ili certificiran od strane ovlaštene institucije i doprinos u nauci, tehnici i tehnologiji kroz inovaciju dokazanu ili certificiranu od strane ovlaštenih institucija 5 bodova,
 - osvajatelj medalje na evropskom prvenstvu u sportu ili osvajač evropskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike 3 boda,
 - osvajatelj zlatne nagrade (max. tri nagrade). 1 bod,
 - na broj bodova iz tačke c) dodaje se broj bodova iz podtačke 1),
 - osvajatelj medalje na regionalnom i na državnom prvenstvu u sportu ili osvajač regionalnog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike 2 boda,
 - osvajatelj prvog mjesta (max. tri prva mjesta) 1 bod,
 - na broj bodova iz tačke d) dodaje se broj bodova iz podtačke 1).
- (2) Maksimalan broj bodova po svim elementima iz stava (1) ove tačke je 10 bodova.

X
(Boravak na području Kantona Sarajevo)

Broj bodova koji se dodjeljuje po osnovu kriterija boravak na području Kantona Sarajevo:

- za svaku godinu provedenu na području Kantona Sarajevo od dana punoljetstva do dana apliciranja na javni poziv po ovoj odluci 1 bod.

XI
(Član porodice šehida, poginulog ili nestalog borca)

Broj bodova koji se dodjeljuje po osnovu kriterija član porodice šehida, poginulog ili nestalog borca 10 bodova.

XII
(Stepen invaliditeta)

- Broj bodova koji se dodjeljuje po osnovu kriterija stepen invaliditeta u skladu sa odredbom člana 56. Zakona o osnovama socijalne zaštite, zaštite civilnih žrtava rata i zaštite porodice sa djecom je:
 - za lice sa invaliditetom sa 20-30% oštećenja organizma 2 boda,
 - za lice sa invaliditetom sa 30-40% oštećenja organizma 3 boda,
 - za lice sa invaliditetom sa 40-50% oštećenja organizma 4 boda,
 - za lice sa invaliditetom sa više od 60% oštećenja organizma. 5 bodova,
 - za svakih narednih 10% oštećenja organizma dodaje se po 2 boda.
- Broj bodova koji se dodjeljuje po osnovu kriterija stepen invalidnosti u skladu sa odredbama člana 39. Zakona o penzijskom i invalidskom osiguranju je:
 - za I kategoriju invalidnosti 10 bodova,
 - za II kategoriju invalidnosti 5 bodova.

XIII

(Kupoprodajna cijena stana ili kuće iz ugovora)

Broj bodova koji se dodjeljuje po osnovu kriterija kupoprodajna cijena stana ili kuće iz ugovora je:

- a) kupoprodajna cijena do 70.000,00 KM 15 bodova,
- b) kupoprodajna cijena od 70.000,00 KM do 100.000,00 KM 10 bodova,
- c) kupoprodajna cijena preko 100.000,00 KM 5 bodova.

XIV

(Zajedničko apliciranje bračnih ili vanbračnih partnera)

- (1) Bračni ili vanbračni partner aplicira zajedno jednom aplikacijom uz ovjerenu izjavu koji će od njih biti podnositelj prijave.
- (2) U slučaju da bračni ili vanbračni partner podnosioc prijave ispunjava uslove iz tačke IV ove odluke, na broj bodova koje dobije podnositelj prijave, dodaje se jedna trećina bodova koje dobije njegov bračni ili vanbračni partner po osnovu kriterija iz tačke VI, VII, IX, X, XI i XII ove odluke.

XV

(Redoslijed na rang listi u slučaju jednakog broja bodova)

U slučaju jednakog broja bodova, prednost na rang listi se daje kandidatu koji je dobio veći broj bodova prema redoslijedu kriterija iz tačke V ove odluke, a u slučaju istog broja bodova i po tom osnovu, kandidati se na rang listi upisuju po abecednom redu prezimena i imena kandidata.

XVI

(Dokumentacija uz prijavu na javni poziv)

Uz prijavu na javni poziv, kao dokaz da ispunjava uslove iz tačke IV ove odluke i dokaz za utvrđivanje broja bodova po kriterijima iz tačke V ove odluke, kandidat dostavlja slijedeću dokumentaciju:

- a) izvod iz matične knjige rođenih,
- b) uvjerenje o državljanstvu,
- c) uvjerenje Ministarstva unutrašnjih poslova Kantona Sarajevo o kretanju,
- d) uvjerenje nadležnog suda da kandidat i članovi njegovog porodičnog domaćinstva nisu vlasnici stana ili porodične kuće u mjestu rođenja na području Bosne i Hercegovine i na području Kantona Sarajevo,
- e) izjavu kandidata ovjerenu kod nadležnog organa, da on i članovi njegovog porodičnog domaćinstva nisu bili vlasnici stana ili kuće koju su otuđili pravnim poslom,
- f) izjavu kandidata ovjerenu kod nadležnog organa da prodavač stana ili kuće nije roditelj, brat ili sestra kandidata ili roditelj, brat ili sestra bračnog partnera kandidata,
- g) notarski obrađen ugovor o kupoprodaji stana,
- h) diplomu o završenoj stručnoj spremi,
- i) izvod iz matične knjige rođenih za članove porodičnog domaćinstva,
- j) ispravu odnosno mišljenje nadležne naučne, kulturne ili sportske institucije za kriterij iz tačke IX ove odluke,
- k) ispravu nadležnog organa za kriterij iz tačke XI ove odluke,
- l) ispravu nadležnog organa o stepenu invalidnosti,
- m) izjavu ovjerenu kod nadležnog organa o zajedničkoj aplikaciji bračnih ili vanbračnih partnera,

- n) izjavu ovjerenu kod nadležnog organa da je saglasan da ukoliko mu budu odobrena sredstva po javnom pozivu da Ministarstvu dostavi notarski obrađenu ispravu o obavezi kandidata.

XVII

(Postupak podnošenja prijave i utvrđivanja rang liste za subvencioniranje rješavanja stambenog pitanja mladih)

Postupak podnošenja prijave i utvrđivanja rang liste za subvencioniranje rješavanja stambenog pitanja mladih se realizuje po sljedećoj proceduri:

- a) Ministarstvo raspisuje javni poziv i objavljuje u najmanje jednim od dnevnih novina, na oglasnoj ploči Kantona Sarajevo, web stranici Kantona Sarajevo i web stranici Ministarstva, sa rokom koji ne može biti manji od 60 dana za podnošenje prijave,
- b) prijavu sa dokazima iz tačke XVI ove odluke kandidat podnosi Komisiji koju imenuje Ministar prostornog uređenja, građenja i zaštite okoliša Kantona Sarajevo (u daljem tekstu: ministar),
- c) Komisija, po prijemu prijave, provjerava ispunjenost uslova iz tačke IV ove odluke na osnovu dostavljene relevantne dokumentacije i isprava priloženih uz prijavu,
- d) Komisija odbacuje prijavu kandidata koji je dostavio nepotpunu dokumentaciju i koji ne ispunjava uslove iz tačke IV ove odluke,
- e) Komisija vrši bodovanje kandidata u skladu sa kriterijima iz tač. VI-XIV ove odluke i utvrđuje nacrt rang liste,
- f) nacrt rang liste se objavljuje na oglasnoj ploči Kantona Sarajevo, web stranici Kantona Sarajevo i web stranici Ministarstva. Na nacrt rang liste kandidat može Komisiji uložiti prigovor, uz odgovarajući dokaz, u roku od sedam dana od dana objavljivanja nacrta rang liste. Komisija razmatra prigovor nakon čega pismeno obavještava podnosioc prijave o donesenoj odluci po prigovoru i utvrđuje prijedlog rang liste koji dostavlja ministru,
- g) konačnu rang listu utvrđuje ministar i objavljuje je na oglasnoj ploči Kantona Sarajevo, na web stranici Kantona Sarajevo i web stranici Ministarstva.

XVIII

(Postupak dodjele sredstava)

- (1) Na osnovu konačne rang liste, ministar na prijedlog Komisije iz tačke XVII tačka b) ove odluke, sačinjava prijedlog odluke sa imenom i prezimenom kandidata, brojem bodova na rang listi i iznosom novčanih sredstava kojima se subvencionira rješavanje stambenog pitanja kandidata i prijedlog odluke dostavlja Vladi Kantona Sarajevo na usvajanje.
- (2) Ministarstvo po odluci iz stava (1) ove tačke vrši isplatu sredstava kandidatima na ime subvencioniranja rješavanja stambenog pitanja.

XIX

(Notarski obrađena isprava o obavezi kandidata)

Kandidat kome su odobrena sredstva po odluci iz tačke XVIII ove odluke je dužan dostaviti Ministarstvu notarski obrađenu ispravu o obavezi kandidata koja sadrži slijedeće elemente:

- a) da se kandidat obavezuje da Ministarstvu dostavi dokaz da je ugovor realizovan i izvršen upis u zemljišne knjige, odnosno knjigu položenih ugovora u roku od godinu dana od dana uplate sredstava na ime subvencije,

- b) da se kandidat, koji je zaključio ugovor o kupoprodaji stana čija izgradnja ne bude završena u roku od godinu dana od dana uplate sredstava na ime subvencije, obavezuje da Ministarstvu u roku od 15 dana po isteku roka od godinu dana, dostavi izjavu investitora ovjerenu kod nadležnog organa da objekat nije završen i da će izvršiti upis u zemljišne knjige, odnosno knjigu položenih ugovora u roku od 60 dana od dana izdavanja upotrebne dozvole za novoizgrađeni objekat u kome se nalazi stan koji je predmet ugovora o kupoprodaji,
- c) da je kandidat saglasan da neće otuditi stan ili kuću, koji je predmet kupoprodajnog ugovora, u roku od pet godina od dana uplate sredstava na ime subvencije i da će Ministarstvu do 30. januara svake godine dostaviti Izvod iz zemljišnih knjiga za tu nekretninu kao dokaz,
- d) da se kandidat obavezuje, da ukoliko ne izvrši obavezu iz tač. a), b) ili c) ovog stava, Ministarstvu izvrši povrat sredstava uplaćenih na ime subvencije, najdalje u roku od 30 dana po isteku roka iz tač. a), b) ili c) ovog stava.

XX

(Ravnopravnost spolova)

Gramatička terminologija u ovoj odluci podrazumijeva uključivanje oba spola.

XXI

(Prestanak važenja ranijeg propisa)

Danom stupanja na snagu ove Odluke prestaje da važi Odluka o subvencioniranju rješavanja stambenog pitanja mladih ("Službene novine Kantona Sarajevo", broj 17/18).

XXII

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-8805-17/19

14. marta 2019. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka) i člana 17. Odluke o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", broj 28/18 i 6/19), Vlada Kantona Sarajevo, na 10. sjednici održanoj 14.03.2019. godine, donijela je

ODLUKU

O IZMJENI ODLUKE O KRITERIJIMA ZA IZBOR I IMENOVANJE PREDSDJEDNIKA I ČLANOVA UPRAVNOG I NADZORNOG ODBORA I DIREKTORA JAVNE USTANOVE "CENTAR ZA NAPREDNE TEHNOLOGIJE U SARAJEVU"

Član 1.

(Izmjena člana 6. stav (1))

U Odluci o kriterijima za izbor i imenovanje predsjednika i člana Upravnog i Nadzornog odbora i direktora Javne ustanove "Centar za napredne tehnologije u Sarajevu" ("Službene novine Kantona Sarajevo", broj 45/18 i 49/18) u članu 6. stav (1) mijenja se i glasi:

"(1) U skladu sa zakonom i uslovima propisanim u članu 2. ove Odluke, ministar privrede Kantona Sarajevo (u daljem tekstu: ministar) objavljuje javni oglas za imenovanje

predsjednika i članova Upravnog i Nadzornog odbora Javne ustanove u "Službenim novinama Federacije BiH" i najmanje jednom dnevnom listu".

Član 2.

(Izmjena člana 14. stav (1))

U članu 14. stav (1) mijenja se i glasi:

"(1) Direktora Javne ustanove imenuje Upravni odbor uz prethodnu saglasnost Vlade Kantona Sarajevo, a na osnovu konkursa koji objavljuje Ministarstvo privrede Kantona Sarajevo (u daljem tekstu: Ministarstvo)".

Član 3.

(Stupanje na snagu)

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Boj 02-05-8805-34/19

14. marta 2019. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 13. stav (6) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala ("Službene novine Kantona Sarajevo", broj 09/19), Vlada Kantona Sarajevo, na 10. sjednici održanoj 14.03.2019. godine, donijela je

ODLUKU

O DAVANJU SAGLASNOSTI NA LISTU SUPERVIZORA

I

Vlada Kantona Sarajevo daje saglasnost na Listu supervizora koji je sačinio i vodi Ured za borbu protiv korupcije i upravljanje kvalitetom Kantona Sarajevo (u daljnjem tekstu: Ured).

II

Listu iz tačke I Odluke čine lica zaposlena u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala, kao i druga lica (akademska zajednica, nevladin sektor, organi državne službe i sl.).

III

Ured vodi i blagovremeno ažurira Listu supervizora sačinjenu od lica iz tačke II ove Odluke uz saglasnost Vlade Kantona Sarajevo.

IV

Obavezuje se Ured da izradi iskaznice za supervizore sa Liste supervizora sačinjene od lica iz tačke II ove Odluke, a kojom se dokazuje uloga supervizora.